

BAHASA MELAYU (0006)

1 OBJEKTIF PENILAIAN

Peperiksaan Bahasa Melayu Peringkat PSLE bertujuan untuk mengukur tahap pencapaian dan kecekapan calon dalam bidang bahasa berdasarkan objektif Sukatan Pelajaran Bahasa Melayu Sekolah Rendah 2008, Kementerian Pendidikan.

Peperiksaan Bahasa Melayu bertujuan untuk menilai keupayaan calon:

- (a) mendengar pelbagai perbualan atau teks lisan dan menunjukkan pemahaman terhadap bahan yang didengar;
- (b) mengenal pasti idea utama, mengingat kembali butir-butir utama dan mentafsirkan maksud yang tersirat dalam teks lisan;
- (c) membaca lantang petikan karangan dengan lancar, menggunakan sebutan yang betul dan artikulasi yang jelas serta ekspresi yang sesuai dengan menggunakan sebutan baku;
- (d) menerangkan atau mentafsirkan idea utama dengan jelas berdasarkan rangsangan (misalnya, klip video atau topik) dan memberikan pendapat secara koheren dan sesuai apabila berinteraksi dengan pemeriksa;
- (e) berinteraksi secara lisan dengan fasih dan jelas dengan menggunakan sebutan baku untuk pelbagai tujuan, khalayak dan situasi;
- (f) membaca dan memberikan respons terhadap pelbagai teks yang sesuai dengan peringkat serta berupaya untuk:
 - membuat kesimpulan tentang makna perkataan berdasarkan panduan dalam konteks
 - mengenal pasti maklumat khusus dan idea utama dalam teks
 - membuat perbandingan dan mengklasifikasikan maklumat dalam teks;
- (g) menggunakan peribahasa dalam konteks yang sesuai;
- (h) menggunakan imbuhan, struktur leksikal dan sintaks dalam konteks yang diberikan;
- (i) menulis karangan naratif pendek yang padat kandungan berdasarkan gambar atau keperluan lain dengan jumlah perkataan tidak kurang daripada 150 patah, serta mampu melahirkan perasaan; dan
- (j) berinteraksi melalui penulisan dengan jelas dan berkesan untuk pelbagai tujuan, khalayak dan situasi.

2 FORMAT PEPERIKSAAN

Format peperiksaan bagi Bahasa Melayu Peringkat PSLE terbahagi kepada:

Kertas 1: Karangan

Kertas 2: Penggunaan Bahasa dan Kefahaman

Kertas 3: Lisan dan Kefahaman Mendengar

Kertas 1: Karangan - 40 markah (20%)

50 minit

Kertas 1 mengandungi dua soalan. Calon dikehendaki menjawab satu daripada dua soalan yang dikemukakan dengan menggunakan sekurang-kurangnya 150 patah perkataan. Bagi soalan pertama, calon dikehendaki menulis karangan berdasarkan topik yang diberikan. Bagi soalan kedua, calon dikehendaki menulis karangan berdasarkan gambar bersiri yang diberikan. Masa yang diperuntukkan ialah 50 minit. Kamus yang diluluskan boleh digunakan.

Kertas 2: Penggunaan Bahasa dan Kefahaman - 90 markah (45%)

1 jam 40 minit

Kertas 2 mengandungi empat bahagian; Bahagian A, Bahagian B, Bahagian C dan Bahagian D. Bahagian A dan Bahagian B terkandung di dalam Buku A. Bahagian C dan Bahagian D pula terkandung di dalam Buku B. Calon dikehendaki menjawab semua soalan. Masa yang diperuntukkan ialah 1 jam 40 minit.

▪ **Bahagian A: Penggunaan Bahasa (MCQ) - 40 markah (20%)**

- Imbuan – 20 markah (10%)
Bahagian ini mengandungi 10 soalan. Calon dikehendaki memilih perkataan yang diimbuhkan dengan tepat.
- Peribahasa – 10 markah (5%)
Bahagian ini mengandungi 5 soalan. Calon dikehendaki memilih peribahasa atau makna peribahasa yang tepat berdasarkan konteks yang diberikan.
- Golongan Kata – 10 markah (5%)
Bahagian ini mengandungi 5 soalan tatabahasa berbentuk melengkapkan teks. Calon dikehendaki memilih perkataan yang tepat berdasarkan teks yang diberikan.

▪ **Bahagian B: Kefahaman 1 (MCQ) - 10 markah (5%)**

Bahagian ini mengandungi 5 soalan. Calon dikehendaki memilih jawapan yang tepat berdasarkan teks ekspositori yang diberikan.

▪ **Bahagian C: Frasa (FIB) - 8 markah (4%)**

Bahagian ini mengandungi 4 soalan berbentuk mengisi tempat kosong berdasarkan dialog. Calon dikehendaki memilih frasa yang tepat untuk mengisi tempat kosong berdasarkan dialog yang diberikan.

▪ **Bahagian D: Kefahaman 2 (MCQ, Respons bebas) - 32 markah (16%)**

Bahagian ini mengandungi 11 soalan berbentuk aneka pilihan dan respons bebas berdasarkan dua teks yang diberikan. Bagi teks pertama, calon dikehendaki menjawab 4 soalan. Bagi teks kedua, calon dikehendaki menjawab 7 soalan berdasarkan satu teks naratif. Bagi soalan kosa kata, calon dikehendaki mengenal pasti perkataan dalam teks yang mempunyai maksud yang sama dengan frasa yang diberikan.

Kertas 3: Lisan dan Kefahaman Mendengar - 70 markah (35%)

45 minit

Kertas 3 mengandungi dua komponen.

▪ **Lisan - 50 markah (25%)**

Peperiksaan Lisan terdiri daripada dua bahagian. Masa yang diperuntukkan adalah lebih kurang 15 minit. Calon diberi masa persiapan selama 10 minit.

- Bahagian A: Bacaan Lantang – 20 markah (10%)
Calon dikehendaki membaca lantang petikan karangan yang dipaparkan pada skrin komputer.
- Bahagian B: Perbualan – 30 markah (15%)
Calon dikehendaki menonton klip video pendek (55-60 saat) dan melibatkan diri dalam perbualan dengan pemeriksa lisan.

▪ **Kefahaman Mendengar (MCQ) - 20 markah (10%)**

Bahagian ini mengandungi 10 soalan berbentuk aneka pilihan. Calon dikehendaki menjawab soalan berdasarkan 7 teks autentik pelbagai genre seperti rencana, iklan, pengumuman, cerpen dan lain-lain lagi. Terdapat 3-4 teks pendek (satu soalan bagi setiap teks pendek) yang antara pilihan jawapannya berbentuk grafik dan yang menguji keupayaan calon melengkapkan perbualan (*dialogue rejoinder*). Masa yang diperuntukkan adalah lebih kurang 30 minit.

Untuk keterangan lanjut, sila rujuk Jadual Pengkhususan yang disediakan.

3 JADUAL PENGKHUSUSAN

Kertas (Masa)	Komponen	Jenis Item	Jumlah Soalan (Jumlah soalan yang perlu dijawab)	Markah (Timbangan)	Penerangan
1 (50 minit)	KARANGAN	Respons bebas	2 (1)	40 (20%)	Calon dikehendaki menulis karangan yang panjangnya tidak kurang daripada 150 patah perkataan.
	1 Karangan Berdasarkan Topik				
	2 Karangan Berdasarkan Gambar				
	<i>Subtotal</i>		2 (1)	40 (20%)	
2 (1 jam 40 minit)	PENGUNAAN BAHASA DAN KEFAHAMAN				
BUKU A	<u>Bahagian A</u> Penggunaan Bahasa				
	▪ Imbuhan	MCQ	10 (5)	20 (10%)	
	▪ Peribahasa	MCQ	5 (5)	10 (5%)	
	▪ Golongan Kata	MCQ	5 (5)	10 (5%)	
	<u>Bahagian B</u> Kefahaman 1	MCQ	5 (5)	10 (5%)	1 teks ekspositori
	<u>Bahagian C</u> Frasa	FIB	4 (4)	8 (4%)	1 teks dialog
BUKU B	<u>Bahagian D</u> Kefahaman 2	MCQ/ Respons bebas	11 (11)	32 (16%)	2 teks; 1 teks berdasarkan bahan autentik, sebagai contoh, iklan, brosur, poster, risalah, menu dan lain-lain lagi dan 1 teks naratif.
	<i>Subtotal</i>		40 (40)	90 (45%)	

Kertas (Masa)	Komponen	Jenis Item	Jumlah Soalan (Jumlah soalan yang perlu dijawab)	Markah (Timbangan)	Penerangan
3 (15 minit)	LISAN DAN KEFAHAMAN MENDENGAR <u>Lisan</u> <u>Bahagian A</u> Bacaan Lantang		1 (1)	20 (10%)	Calon dikehendaki membaca lantang petikan karangan yang dipaparkan pada skrin komputer.
	<u>Bahagian B</u> Perbualan berdasarkan rangsangan video		1 (1)	30 (15%)	Calon dikehendaki menonton klip video pendek (55-60 saat). Calon akan melibatkan diri dalam perbualan dengan pemeriksa lisan.
	<u>Kefahaman Mendengar</u>	MCQ	10 (10)	20 (10%)	7 teks autentik pelbagai genre seperti rencana, iklan, pengumuman, cerpen dan lain-lain lagi. 3-4 teks pendek (satu soalan bagi setiap teks pendek) yang antara pilihan jawapannya berbentuk grafik dan yang menguji keupayaan calon melengkapkan perbualan (<i>dialogue rejoinder</i>).
(Lebih kurang 30 minit)	<i>Subtotal</i>		12 (12)	70 (35%)	
	TOTAL		54 (53)	200 (100%)	

**SENARAI PERIBAHASA UNTUK PEPERIKSAAN BAHASA MELAYU
PERINGKAT SEKOLAH RENDAH**

Darjah 3 dan 4

SN	PERIBAHASA	MAKSUD
1.	ada akal	memiliki idea
2.	ada bakat	berkebolehan, berkeupayaan
3.	ada hati	ada kemahuan atau keinginan atau cita-cita untuk melakukan atau memiliki sesuatu
4.	ada jalan	mempunyai cara untuk melakukan sesuatu
5.	ambil berat	a. memberikan perhatian atau menumpukan perhatian dengan sepenuh hati b. mengambil tahu tentang sesuatu
6.	ambil hati	berasa kecewa atau tersinggung kerana kelakuan atau perbuatan seseorang
7.	anak emas	orang yang sangat disayangi
8.	baik budi	berperangai mulia dan mempunyai peribadi yang baik
9.	berat sebelah	a. tidak adil b. menyebelahi satu pihak
10.	besar hati	perasaan bangga atau gembira terhadap sesuatu pemberian atau pertolongan
11.	buah tangan	barang yang dibawa sebagai hadiah
12.	campur tangan	masuk campur dalam sesuatu urusan
13.	cari jalan	berikhtiar mengatasi masalah ataupun mencari peluang meneruskan sesuatu yang dirancangan
14.	hati emas	sangat baik hati
15.	hidung tinggi	sombong
16.	ikat perut	a. lokek atau kedekut b. mengurangkan makan kerana hendak berjimat
17.	jaga mulut	hati-hati apabila bercakap
18.	jalan tengah	tidak berat sebelah atau tidak memihak kepada sesiapa
19.	keras hati	sangat degil
20.	lepas tangan	a. tidak mahu mengambil tahu b. tidak mahu bertanggungjawab dalam sesuatu perkara

**SENARAI PERIBAHASA UNTUK PEPERIKSAAN BAHASA MELAYU
PERINGKAT SEKOLAH RENDAH**

SN	PERIBAHASA	MAKSUD
21.	lurus akal	jujur
22.	membawa nasib	mencari penghidupan di tempat lain
23.	muka tembok	tidak tahu malu
24.	murah hati	suka memberikan bantuan
25.	orang tengah	pendamai antara dua pihak
26.	ringan mulut	peramah/mudah menyatakan pendapat
27.	ringan tulang	rajin bekerja
28.	tajam akal	cepat menerima pelajaran
29.	tanda mata	hadiah yang diberikan sebagai kenangan
30.	tolak ansur	a. bersefahaman b. saling memberi

**SENARAI PERIBAHASA UNTUK PEPERIKSAAN BAHASA MELAYU
PERINGKAT SEKOLAH RENDAH**

Darjah 5 dan 6

SN	PERIBAHASA	MAKSUD
1.	air dicencang tiada putus	dua orang yang bersaudara tidak dapat dipisahkan oleh perselisihan
2.	bagai aur dengan tebing	hidup saling bekerjasama
3.	bagai dakwat dengan kertas	tidak pernah bercerai, sangat cocok
4.	bagai isi dengan kuku	sangat rapat
5.	bagai menghitung bulu kambing	mengerjakan sesuatu yang sia-sia
6.	bagai tikus membaiki labu	orang yang cuba membaiki sesuatu yang tidak diketahuinya, akhirnya merosakkannya
7.	banting tulang	kerja keras dengan bermati-matian
8.	berani mati	sangat tekad
9.	diam-diam ubi	pendiam tetapi berfikir atau banyak pengetahuan
10.	kata putus	a. ketentuan terakhir b. keputusan rundingan
11.	lapang dada	berasa senang atau mempunyai perasaan yang sabar
12.	makan suap	menerima rasuah
13.	memerah otak	a. berfikir b. belajar bersungguh-sungguh
14.	mengorak langkah	berikhtiar
15.	panjang akal	bijaksana
16.	perah tenaga	bertungkus-lumus
17.	putih hati	ikhlas
18.	seperti anjing dengan kucing	dua orang yang sering bertengkar apabila bertemu
19.	seperti garam jatuh di air	cepat meresap atau segera dimengerti nasihat atau pelajaran
20.	seperti kacang lupakan kulit	tidak mengenang jasa atau budi orang yang pernah membela atau menolongnya

**SENARAI PERIBAHASA UNTUK PEPERIKSAAN BAHASA MELAYU
PERINGKAT SEKOLAH RENDAH**

SN	PERIBAHASA	MAKSUD
21.	seperti katak di bawah tempurung	a. terhad pengetahuan atau pengalaman b. apa yang diketahui ialah hal-hal yang ada di sekelilingnya sahaja
22.	seperti lipas kudung	a. selalu bergerak dengan cepat b. selalu sibuk bekerja
23.	seperti pahat dengan penukul	satu sama lain bantu-membantu
24.	tahan hati	tabah
25.	tahan uji	berani diuji kebaikan atau keberanian
26.	tajam hati	pintar atau cerdas
27.	tajam ingatan	a. tidak cepat lupa b. sentiasa ingat apa yang berlaku di sekitarnya
28.	tangan kosong	datang bertandang ke sesuatu tempat tanpa membawa apa-apa
29.	tangan terbuka	menerima kedatangan seseorang dengan gembira atau sukacita
30.	tulang belakang	sumber kekuatan atau orang yang dianggap tempat berlindung dalam sesuatu kumpulan dan lain-lain